

الحيالة مشع عاليا



Esmat Dawstachi

2 h 2 24



الكياه مش بروهه كتاب شعرى

مجدي الجابري

أصوات أدبية

سلسلة نصف شهرية

تعنى بنشر الإبداعات المصرية


الهيئة العامة لقصور الثقافة

- النحيادمش بروفه 261 شعر مجدى الجابرى
 - الطبعة الأولى منتصف مايو 1999

باسم مدير التحرير على العنوان التالى : أ أ أ ش أمين سامى - القصر العيشي العنيش العيشي العيشي العيشي الما إلى المنابع المنابع

رئيس مجلس الإدارة
د. مصطفى السرزاز
المشرف العام على النشر
عسلى أبوشادى
أمين عام النشر
محمدك شيك

رئيس التحرير محمد البساطي مدير التحرير شحساته العسريان



العدوم

أبويا في الشغل

كالعاده

وامى واختى لُّو الغسيل من عَ الحبل

وطبقوه

ے بر وصنفوہ

وسابولى تطبيق المناديل والشرابات

فانتهزت فرصة انشغالهم ف المطبخ

وطاوعت رغبتى:

هدوم امی واختی ناعمه بترحلق إیدی من علیها، وکمان ملونة وعلیها رسومات هدوم ابویا خشنه وساده أو مقلّمه بالطول. هدومی زی هدوم امی واختی. رغم إنی باعمل حمّام وانا واقف، وابویا جاب

لى العيد اللى فات بدلة ظابط، يمكن عشان لسه صغيرًا

إذا كان كده. يبقى مش عايز اكبر

وكبرت على غفله

واجتوزت

وخلفت بنت ورا بنت

وطبعاً لبست زي ابويا

لكنى باظبط نفسى سلاعات قلعد ف وسط الغسيل الملموم

وبانتهز فرصة انفرادي بنفسي

وادس حاجه من هدومهم في هدومي

شويه

وبعدين ارجعها مكانها.

فيله في المسابقه الرسميه

طبيعر

إنَّك تقول لصاحبك ع القهوه:

الحياه مش بروفه.

وطبيعى

إن ابوك يخاف عليك وعلى اخواتك

م الموت

ليشوش مخزونه الهايل من المشاهد اللي

كان نفسه يكون فيها.

وللا تخش عليه

ومنا يحسنس بيك

وتتأكد انه ف آخر مرحله من مراحل المونتاج

فاتسحب يشويش.

واخرُج..
فَدَهُ بَرضَه أبوك ومنهما اتدخَّل ف حياتك وورَّطَك ف مواقف بايخه فما يصحُّش تبُص عليه وتبتسم بخُبث فما يصحُّش تبُص عليه وتبتسم بخُبث وهُوَّه حاضن بكرة فيلمه وماشى ناحية القاعه اللَّى هتتعرض فيها حصيلة النهارده من الأفلام اللَّى جوه المسابقه الرسميه.

هادوس على زرار الشفيل

هاظبط كاميرة جسمى.. بعد ما افتح عدستها الفتحه المناسبه،

واستدرج البنتين بصوت شخشخة الفكك

ف جيوبي،

وبعد ما هتأكد ان الصوت شد انتباههم..

وانهم فعلاً وطّو يدوروع الفلوس اللي

وقّعتها ع الأرض،

وبعد ما حاجات كتير هتحصل جوايا.

هادوس على زرار التشغيل

واستثى

....

. 17

....

إيه اللى حصل ده؟!
برضه نقطة العرق الملعونه اللى بتلمع على ضهر
إيدى
ف أوقات مش هيه

عاده مس سيم يبقى أكيند هتتهز الكاميرا وكالعاده

متختفی ملامح البنتین م الصوره، وهیطلعوا بعد التحمیض یشبهو لاخواتی البنات اللی بقالی أکتر من عشرین سنه باریّی جسمی بعید عنهم.

الواحد

الواحد..

خايف ومرتبك

الواحد..

تَعبان وهُمدان وماعندوش روح للمناقره.

الوَاحدُ..

مامعاهوش فلوس كفايه يروح اسكندريه.. يشرب شياى ع الكريستال.. ويقعُد شيويتين ع البحر.. ويرجع بتجربه جنسيه مُجهَضَه.

الوَاحِدُ..

واقف قُدَّام حالة بُكا.. باللابس الداخليه.. وجسمه مبلول وفاتر.. ومشاعره مِنَعُكِشَه.

الواحد. الواحد. الواحد

حاجه تزهن، وتخلّی الأتوبیس اللی واقف قُصادی من غیر سوّاق ولا کمساری وملیان رُکاب، یتحول برّاد شای واربع علب سجایر مفتوحین ومکان واسع وأصحاب بیضحکو بصوت عالی.

بيهيأ نفسه لفياده الأوركسنرا

أصحابي..

بدأوا يقفزوا.. واحدُ ورا التانى.. ف بركةُ روحى.. ويتحُولوا لضفادع، وكل ضفدع ماسك آله من آلات الإيقاع؛ اللَّنى طَبُله..

واللَّى بونجر..

واللى نقررزان.. واللى دُهُلَّه واللى دُهُلَّه وَادى آخر واحد. وادى آخر واحد. لسته مازالت رجليه ع القهوه

وجسمه ابتدا يتسلطح، وإيديه قصرت، وطلع لُه لُغُدْ كبير. وطلع لُه لُغُدْ كبير. تمهيداً للخِطوه الجايه، وزى ما كان متعود.. بيهيّاً نَفْسُه لقيادة الأوركسترا.

ابندا يغير إيفاعه

ف أول السرح مش بالظبط تقريباً أو يمكن أو جايز أو أى حاجه تقريباً أو يمكن أو جايز أو أى حاجه تخلّينى اصدّق أنّه كان فيه فعلاً شارع ورجلين أتقل من دَبّابه داخله ف حالة عُظل. كنت باحسبنى خفيف لإنّى مبسوط شويّه" يبدو إنّى كنت بافرّك بيدو إنّى كنت بافرّك وابتدت تتوتّر العَضَله اللّى قت ودُنى الشمال وابتدت تتوتّر العَضَله اللّى قت ودُنى الشمال وكإنى هادوس الخطوه الجايه على حاجه بتتحرّك... وهتغوص وتُلِب قت رجلى.. وانا مستمتع بسخونة

حاجسه زي اللحم البشري.. وصوت طقطقه

وخروشه.. وکانی الشیء ده بیعافر خت رجلی عشان یحسسنی انه مشروع إنسان..

يمكن احتاجه ف لحظه..

أكون أنا فبيها خت رجلين أتقل من دبابه داخله في حالة عُطل.

وفضلت منعلق معاها

أمى وابويا واخواتى وناس كتير عرفتهم متنتورين ع الصفحه قدامي وف وسط الصفحه ر تور هایج اتخيلت نفسى ساطور مهيأ ف أى لحظه يكسر رجل من رجول التور عشان يهمد واتخيلت الدم اللي هينزل من مكان الجرح هيشد انتباههم ده اللي قدر عليه خيالي عشان يلم المتنتورين جوايا ف حيّيه واحده تخصني.

دى مش أنانيه ولا لعب بالخيال

دى الرسمه اللي كان نفسي ارسمها وانا ف سنه رابعه ابتدائي

بَدُل رَسُمِهُ الجاموسه اللي مزّينها الجزار يوم العيد. والعيال ورا منها بيزقُوها وهيّه رايحه المدبح.

لماشفنها عالنرول

اللّى انا وهِيّه اتفقنا نحمى بعض م اللّى جاى نفّذت وعدها معايا بس نسيت شعينى منها ومِنّى وعشان كده وعشان كده في أوضة الولاده في أوضة الولاده وعلى دراع المُمّرضه وعلى دراع المُمّرضه حِنّه لحم بتعيّط.

اللى لخفنه من جسمى

تكتكة الآله الكاتبه وملى وتفريغ رئتى بدخان الكلوباترا وحركة رجلين امى على دواسة مكنة الخياطه ده اللى لحقته من جسمى النهارده بعدما اتبعتر ع السلّم وانا مزوَّغ م الشُّغل. ها حاول ألُّه على مهلى، واعمل منَّه حكايه واعمل منَّه حكايه احكيها لنفسى وانا نايم.

فركاخويا

جزمتی الجدیده دی اللی هاشتریها م الکحکل ده عارف انها برباطها الغریب ده هتناسبنی دلوقتی تماماً وانا بادور جوایا علی أی حبّه طاقه یکونو هربانین منّی.. عشان اقدر بیهم اسامح اخویا اللی رایح أحضر فَرَحُه دلوقتی

واسيبهاع الباب واناخارج

واللَّى هيبص لي بترقّع. وإنا بالبس الجزمية الجديده

وباحط الجيزميه التقديمه مكانها ف الشنطه

فيه أكيد حاجه هتحصل غير السيناريو ده أو يمكن حصلت. وانا مستعول بفك رياط الجزمه اللفوف على رقبتى.

خمنون

ف ديانه قديمه كنت كاهن صُغير أعرف بالظبط مكان القلب وبسكينه حجر... اشق صدر القربان شق يادوب يسمح لكبير الكهنه يمد إيده ينزع القلب.. ويسيب لكاهن قت التدريب مهمة توليع النار.

* *

ف ديانه جديده وف نهايات القرن العشرين أنا برضه كاهن صُغيَّر وكإنى اعرف بالظبط مكان القلب..

نازل تشريح ف صدر القربان وف إيدى بتترعش السكينة المسنونه وكبير الكهنه

واقف

يقفل قبضة إيده ويفتحها.. بغلُ وصاحبنا اللي مازال خت التدريب بيولَّع ف النار. تطفى

يوتعها

تطفى

يولَّعها....

ف فبضهٔ إيدي مره حفيفي كره حفيفي

ما تهربش.. تعالى.

بهجوم مفاجئ على حدود النوم

...

صداع وزغلله في عينيا

وبعدين!ا

تتلخبط الخرايط كده

مربوط من سرتك..

عشان تدلدل لسانك، بالشكل ده..

في الخُفره اللي بينًا

على حواف الحُفرة اتنصبت الكراسي والترابيزات.

ونزلت المشاريب

مافیش زباین غیرك

عمال تشدع الفاضى

بعد ما اتُطَفتُ نار الشيشه.

أنَبُهلت..

تمد إيدك ف جيبك..

تتطمُّن على سلامة موقفك من نظام الحُكم..

ف الربع ساعه اللّي جاي.

4**

ف الحُفره.. أجيال من الثورات.

ف الخصره.. أجيال من السلطات.

وع القهوه.. للسانك نصيب من التركه..

وسرتك مفكوكه إجبارى،

فمافیش بطوله زی دی..

تمنها مدفوع مع البقشيش

أنا شخصياً

بارج عبطى بقوة العاده..

ومستنى تفور القهوه ع النصبه..

فيعتذر لي القهوجي..

نيابه عن رئيسي ف العمل..

وزعيمي ف الثوره.

لسَّه بنخدع بعضنا بالخُبُ.. مع إننا المفروض نكره بعض وقت اللزوم.

(**

عشان تفضل ما بينا حاجه تستاهل تعالى ببُقعة دم واحده على سُرتك دانا مخبِّيلك ف قبضة إيدي كُرُه حقيقى وف الخَفرَه لَغَم موقوت.

من غير ما تكُسَر نظرتك ف الأرض بُصُ في عينيا.. واتكَلَّم..

من غير لعثمه.. وعروق نافره ف الرقبه

خليك قد صداقتنا

عزلية الكنبه

اكتشف فجأه

إن طريقته ف حب الحاجات اللي بيحبّها فعلاً..

مرهقه جداً وكئيبه،

فسله جسمه

لرغبة الكنبه انها تشيله وهُوَّه مسترخى عليها.. وتنزل بيه السلِّم..

وتسيبه يحل مشاكله مع الناس اللي ضربوا كف على كف ورفعوا سبابتهم وقعد يهرتلو بكلام فلا ينتبه لوجودهم:

ياولاد الكلب.. ده مش نَعشُ.. دُنَا رايح اقول مااقدرش اعـمل لك حـاجه.. غـيـر انى احُط إيدى على خُـدِّى . وانتي بتحكى لى عن العفريت اللى قعد يطُوَل كَدُ

ما حصَّلك وانتى واقفه بتذاكرى ف بلكونة سعاد صاحبتك.

وف نُصُ حكايتك اسببك. واخُش البلكونه. أوَّلع سيجاره. وافكَّر فيكي

(إيه بس اللى كان مكن يحصل.. لو اتكلمتى على مدى الأربعين سنه أو أكتر اللى سكتيهم؟ هل كان مكن أفضل كده متَنَّح قصادك.. وانتى بتحكى لى دلقوتى عن حاجات ماعدلهاش معنى عندى؟

وعشان يتخلّص من تُقل بقعة اللون الاحمر اللى سابتها فُرشة (أسامه الدناضورى) ف رقبته، هيتخيّل سرب الحمام الابيض، اللى كان مسيطر على مشهد جنازة ابوه،

واقف دلوقتى طابور، أوله نازل بشرب م البُقعه الحمرا، وآخره ف قهوة "موسى عطيه" بيفض خناقه بين شكاته العربان وأسامه شهاب من ناحيه، وبين حسن رياض ومجدى السعيد م الناحيه التانيه وبينه وبين إبراهيم عبد الفتاح من الناحية

التالته..

ولاً طارت علب المربى وأزايز اللنّنض الجاز والشباشب والجهل بالإيقاع وغرابة الصور الشعريه والسرقه من بعض للقطع أو حتّه مزيكا....

غُمَّز للكنبه.. فطارت, دخلت حلم حبيبته، فلخبطت لها حسابات الصداقه والحب وتقسيم العمل اليومى.

شاور لها تطلع جنبُه ع الكنبه. فنفرت من جسمه اللى ابتدت تفوح منه ريحة لبن متخمَّر ف بُقُ جُنَّه عُمرها ربع ساعه

واختدها على صدره، وبيسسس ال ٩٢ سنه اللى سنالوع الجلابيه، واللى اضطّر يمزّعها عشان يكمل بقية الطقس ·

من غُسسل وحلاقة دقن وحلاقة الشعر اللي أصر مايطلعش غير بالجلد وبريحة "سعد باشا" ف تشريفه رافع شنبه لفوق. ومريّح إيده على عسكرى بالصّدفه، رافع شنبه زيّه لفوق ومبحلق

ف الكاميرا،، وسرحان.

وكإنه بعد لقط الصوره

هيـروح يلقى مـراته الحـامل جـابت أخـيـراً واد.. ولا ماتش..

فيسميه "سعد". ويندهله "شوال".

ولما حس الكنبه بتُقله عليها..

متقفز من قبضة روحه،

وترجع

مجرد کنبه خشب،

لسنه يادوبك مسدد بقية أقساطها.

سنويه

بعد نص الليل..

على سطح بيت ف ابو زعبل..

قاعدين سبت شباب، عاملين دايره، حاصرين فيها.

باجور وعدة شاى وسجاير وجهاز تسجيل..

بيسجًّلَ بحذَر. تُكتهم وتريقتهم وقصايدهم وغُناهم بأصواتهم الوحند، حتَتَ من سيد درويش والشيخ إمام وفيروز ومرسال خليفه...

وفيه حُدُ غريب.

مش متنبهين لوجوده

حُدُ نحيف جداً.. ف رجلُه الشمال زَكَّه خفيفه، طول القعده عمَّال يتحنجل بين الغُنا والضحك وريحة العرق الشتوى وطرقعة الصوابع،

وبيضحك بصوت مكتوم م الشباب اللى بيتحدُّوه بالشاى والشعر والتدخين والغنا وجهاز التسجيل لل الشاى والشعر والتدخين والغنا وجهاز التسجيل لل (عبد الفتاح شهاب) سمع صوت نَفَر عصفورته على قزاز شباك المترو.

اتّاخد ودخُل حُضن حبيبته ونام.

بَصُ له النحيف جداً.، وضحك. فبان بُقّه اللي

مافيهوش ولو سنّه.

دار التسجيل مُعدّل أسرع.

نط الأعرج وسطينا

ومد مخالبه خطف عبد الفتاح

وطار..

وساب مكانه بقعة دُمُ على أسلفلت شارع ف مدينه غريبه،

مُدِّينا عيونًا هناك.. ورا العربيّه اللِّي بتاخد تار الشيخ العربي من المدرس المصرى اللِّي رفض ينجَّح ابنه البليد في الامتحان..

لكن سبناه ورجعنا نكمُل تسجيل القَعُدُه.

ضحك (خالد عبد المنعم) وهُوَّه نايم ع الطرف.. خَت اللّحاف المتكعوره خَتيه العيال.. وكُمَشُ رجليه وهُوَّه بيحلم بإنه جِه عليه الدور ونايم فعلاً ف النّص،

غمزته بكوعى

عشان يشاركنا الضحك على النّكته اللى قالها ابراهيم عبد الفّتاح، قام قاعدً.. ضحك ويّانا وراح دافس راسه في حجرره وسرح ف اللهره ام سبع رجلين دهب. والزقّه اللي هتتعمل له وهُوّه خارج م الكهن.

اشتركنا كلنا في الزَّفَّه.:

وُزَّعنا علينا الأدوار، وصَّلُناه.. ورجعنا جنب التسجيل نحتمى باللى فاضل فينا وبينًا ضحك الأعرج.. فاتغاظنا، بصِّينا لبعض وبصوت عالى ومع بعض غنِّينا لحن السُّيَّاس.

(عُمَر جُم) اللي ما كانش بيحب شِعْرى.. كان طبب حداً..

ثماً قُلت قصيده.. طَبُطَبُ على ضهرى وقاللِّى: كَإِنِّى أول مرَّه بالسمعك. ضحكت وبَصَّيت ف الأرض.. فقام عشان يُحنَّنَى.. وقعت متَّه الشنطه الخيش واتبعترت الكتب والاقلم والسندويتشات والقصايد، وَطِّيت المُ معاه..

وإذا بالشخص النحيف جداً عمّال يتخُن يتخُن لكم الحد ما بقى حيط لحم بينى وبينه،

بصيت لابراهيم عبد الفتاح وعصام العراقى (اللي كان أغلب الوقت مشغول بواجبات الضيافه) وسألتهم:

إيه اللي بيحصل ده؟ حُدُ فاهم حاجه؟ وإذا بحيط اللحم بيتحول شعلة نار..

خَطَفتُ عمر جُم من وسطينا..

وسابتنا احنا التلاته بِنُبُص لبعض بِرُعب. وإيدينا مكلبشه ف التسجيل الداير يسجّل أدان الفجر

وأصوات الناس اللي رايحه تصلّى أو رايحه الشُغل، كيان واضح بين الأصبوات صبوت الأعسرج وهُوه بيضحك.

فُسكّينا التسجيل، وللّينا اللي فاضل منّا، وقررناً.

بعد ما ننزل. ما نجتمعش تانی ف مکان واحد.

هيبص ع الجزمه ويناكد

بَصْ عَ الْجَزْمُه وحَطُ إيديه ف جيوبه ولَمُس الخمسه جنيه

444

مش هيسيب رف أو صندوق أو باترينه ما يبَصِّش فيهم وهيتأكِّد م الأسعار

بيحاول يلمس بعينيه ريحة أو شكل أو ملمس حاجه حاسس أنَّه هيلقاها متعبِّيه ف برطمان

أو ملفوفه ف سيلوفان أو متدلدته م السقف.

•••

هيحاول ما يهربش أو يستعجل وهيرجع تانى لآخر المر اللى ما كمُّلوش هيكُسُّل

وهيرجع تانس يقرفنى بيمكن ويجوز

(**

حلوه البِتُ اللي لابسه الجينز الاسودُ دِيُ لأ

مبعجره حبه

وتسريحة شعرها مخلِّيها كإنها خارجه مخصوص عشان حُدُ يبُص لها

فتكرفه

هتوقع من إيدها الشنطه هيوطًى يلم لها الفلوس ويسيبهوم لها جنب الشنطه

444

میبص ع الجزمه ویتأکد

الخمسه جنیه مازالت موجوده والبیت فیه شای وسکر طبعاً مافیش سجایر بیشی گردیبه بینت فیم یرجع بسیجارتین

4++

تانى هيستعجُل ويسيب آخر رَفُ فوق ع الشمال ما هو تقريباً زى اللى ختيه

צ

مش تقريباً لو متأكِّد هيكُمِّل ويبطَّل تضييع وقت ومجهود ع الفاضى ولو مش متأكِّد؟!

متأكد من إيه بالظبط!!

دى خامس مرَّه يلف المينى ماركت ده.، من سَرَحَاتُ سَرَحَاتُ حسنه من سَرَحَاتُ حسن مُه..

خارج من هنا مبسوط وبيضحك وهُوّه حاضن حاجه. برقّه مش متعوّدها ف نَفْسُه.

حاجه

مش فاكر هيه إيه بالظبط

ولا تمنها كام

ولا كان ساعتها.. فيه حَدْ بيبُصُ على جزمته لدّة دقيقتين تقريباً.. وبنظره سريعه يُخْرُم جيبه.. عشان يعرف فيه كام بالظبط.

£44

هيدقَّق أكتر ف المشهد هل مُوَّه اللي كان هناك فعلاً..

والآحد يشبه له؟!

حَدُ حالق دقنه وشَعُره.. ولابس

جَزْمَه جديده.. وف جيبه أكيد أكتر من خمسه

...

أيوه

ده البيّاع اللّي أوّل ما يشوف يوزن له نُصْ كيلو الكبده المستبورده.. ويخطها له ف الشنطه الستودده.. ويضطها له ف الشنطه السّوده.. ويفضل يتابعه بعينيه لِحَدْ ما يدفع ف الخازنه،

هيخيب ظنه،

وعلى سبيل فَكُ الخمسه جنيه مش أكتر ميشترى منه علبة كبريت وموس حلاقه (هيرميه ف البيت أسبوع أو أكتر قبل مايستعمله) وهيرجع له.

بعد ما يدفع فى الخازنه.. يسيب له بقية الجنيه ع البنك.. ويضحك لَّهُ.

نحراليلا

كان فيه إيد بتزقنى ف ضهرى، صرخت، نزل على وشه، وراسه اتخبطت ف بلاط الحّمام، فهدّیت إیدى خُتى وشیئه وراسه اتخبطت ف بلاط الحّمام، فهدّیت إیدى مُنتى وشیئه من ع الأرض بخکلاصُه اللی كان ملفوف على رقبته وإیدیه ورجلیه، وندهت علی أخته جیب الدّایه، كان النهار لسّه بیشقشق. صحییت الدّایه وجات وهیّه لسّه مدروخه، فكّت الخکلص من علیه وقطعته، ومن دروختها سابت حوالی ۱/۱ مستسر من الخلاص برّه، وربطت، ولمّا اكتشفت ده، بَعَتُتُ جبنتها تانى، قطعت الزیادة وربطت، وقالت لی: خیر، خیر، ده رزقه كتیر، وعمره طویل،

كانت املى بتلحكي حلكاية مليسلادي دي لحد من قرايبنا. مش فاكرمين بالظبط، وكنت قاعد بالصدفه. كأن عندي ساعتها حوالي خوس سنين. مِن ساعتها وانا حاسس بإن حد واقف ورايا وبيزُقّني ف ضهري عشان اخرج، ساعتها باسيب الكان اللي انا فيه واخرج فوراً، أو اقعد قلقان، لحد ما انفرد بنفسسى وامسك ورقبه وقلم واقسعد اكستب أو اشخبط أو ارسم، ولحد دلوقتي مش عارف الإيد دي بتدفعنيه، عشان اخرج منين؟ واروح فين؟ مش عارف بالظبط، ويحكن يكون كل اللي علملته وكل اللي عرفته كان محاوله للتخلص من الإحساس ده بمحاولة فيهم السؤال ده، مصدره إيه؟ ومعناه إيه؟ وازاى اجاوب عليه إجابه تخُلُصني من أثر الإيد دي اللي حاسس انه مطبوع على عيضم ضهري من

ويمكن تكون حكايه ميالادى دى، حكايه من تأليف امى، لإن امى حُكَاءُهُ شعبيه من النوع النادر،

وبالتبالى تبيقي كيل كيتباباتي وحبياتي ومعارفي محاولات للتخلص من سطوة "نص لحظة الملاد" بعد تفكيكه والتحرر من مجازاته (خبط راسي في بلاط الحمام/ صدمة الميلاد) و"الخلاص الملفوف على جسمى/ الولادة الغريبة) (رزق كتير وعمر طويل/ النبوءه). حستى الخطأ المبنى على الصدفه (نسسيان ١/١ مـترمـن الخلاص في الحكاية / كنايه عن طول العسمسر وكستسر الرزق). هل كسانت امني بتنتج في حكايتها الشخصيه (ميلاد ابنها) "بطلها" الموجود ف حكاياتها الشعبيه اللي بتحكيها؟ واللي هيخلصها من حاجات هيه مش فاهماها، لكن حسساها، وفي نفس الوقت هيحيقق لها حياجيات بتتبهناها وإن كانت مش محدده هيه إيه بالظبط، زى الشاطر حسن وابو زيد وعلى الزيبق.، إلخ، هل معنى ده. ان امى كانت بتتمنى لى دور في الحياه. وسناهمت في صنعيه بحكيها للحكنايه الخاصيه بميلادي للناس وليَّ؟ هل كانت قاصده حكيها وانا

موجود ساعة ماسمعتها أول مره؟ هل دور المُخَلِّص، اللي اختارتهولي، متعلق بيها هيه وبحياتها، يعني خلاصها هيه, والآن يتعلق بكل اللي زيها سواء في النوع أو في الحالة الاجتماعية أو الوضع الطبقي؟ أكيد الحاجات داخله في بعيضها والخيلاص ده مش خالص فروسى لإن زمن الفروسية انتهى، زمن مواجهة الفارس للفارس بالسيف. لكن قيم الفروسية مازالت بالنسب لها - على الأقل -موجوده، النجده، الشهامه، الدفاع عن المظلومين والمضطهدين، والحب العفيف الطاهر الخالي من الأغراض الحسيه للباشره. كُمَان البطوله عندها ليسها شكل تاني، بطولة الحيله والخداع والتنكر (الشطار والعيارين والصعاليك).

لإن العدو دلوقستى بيستخفى ورا أقنعسة القانون والعسكر والفتاوى والمؤسسات اللى بتسانده ولازم البطل يلجأ للخداع والمكر عشان ما يتمش القبض عليه قبل ما يخلص مهمته ويتخلص من عدوه/

عيدوها/ عيدوهم، والشكل ده من البطوله مع الشكل الأولاني كانوا محتاجين مشروع ثقافي واجتماعي وسياسي يرشيح مشيروع فني، وبدأت اتنني دور المُخَالِص/ النبي مع التشكيك من واقع خبراتي الحياتيه - في وجوده، في الشعر وفي كل أشكال المعرفه اللي احتكيت بيها واللي ساهمت على قد جهدى في إنتاج جُمَل فيها. كان بيتم فحويل كل خبراتي الثقافيه والاجتماعيه اللي سكسلها جسدي الرموز وتقنيات ووسائط لاكتشافي العالم الأفضل اللي بيبشربيه المشروع الجاري البحث عنه، عالم خالي من كل القيود والمعبوقيات اللي بتبشيل حبركية البيشيرعن أنهم يحققوا أقصى إمكانيات بشريه موجوده، عالم خالى من كل عبوب ونقائص العالم، الموجود فعلا (الظلم - سوء توزيع الثروه - سوء استغلال السلطه – السجون – القوانين المقيده للحريات – العنصريه - إلخ. إلخ). وطبعا اكتشفت اشكال

تانيه من البطوله، غير البطوله الشعبيه، اكتشفت الصوفي، المناضل السياسي، الكصلح الاجتماعي، العالم، الفيلسوف، الشياعر، الكاتب، الرسام, اصحاب الرغبه في تغير العالم ده، ودفعه ناحية عالم تاني افضل. كل واحد حسب تصوره عن المشروع وطرق خقيقه. بس الغريب في الموضوع إن كل المشاريع دى ما بتلاقيليش مكان فيها غير دور التابع/ المريد/ الصبيي/ كاهن مازال خت التدريب، ده طبعا إذا كنت من صناعه. وكان لازم القى مشروع أكون فيه كاهن وواحد من صناعه، وكان الشبعر هو مشروعي، الشعر/ كعالم رمزي موازى لعالم الواقع، يحتاج من اللي يقرب منه انه يكون عنده. قدره عاليه مبنيه على معرفه متخصصه وعميقه تساعيده في فك شفرات العالم ده وتأويله، لإن العالم الشعرى عالم غامض. متعدد التأويلات، زي النصوص المقدسه، صالح لكل زمسان ومكان. وزى بسطل هيسرمسان هسسه دخلت

(اللعبه)، ولعبت دوري فيها ببراعه وصدق عشان احقق لامي واللي زيها حلمها في الخالاص من العالم اللي قعدت فيه اربعين سنه من غيرما تتكلم. ولما جُهُ الوقس انها تتكلم كانت نسيت الكلام, ومابقاش عندها غير الترثره لتضييع الوقت اللي بقي عبء عليها ولازم حد يشيله معاها، وانا بدال ما اشيل معاها وأسمع لها، واحتكيلها وخكيلس، دخلت لعبيتي، وبقيت كل ما ازورها أسيبها تتكلم تتكلم وانا حاطط إيدى على خدى، وفجأه وف وسط كلامها اطلب منها تعملَى شاي، أو تُحطُ لي آكل أو أنزل اجيب سجاير أو حتى اخش البلاكسونه واقلفل على السباب وافكر في كستابة قحسيده جنديده تتنحول فنينها امي رمنز لطاقنات بشريه مبعتره ومهدره مسيرها في يوم تتجمع وتغيير وجه العالم وخل متحله عالم كل اللي فيه بيتكلم وقت ما هو عايز ويسكت وقت ما يبقاش عنده حساجه يقولها، وبكده أبقى شساعر ثورى

صاحب مشروع لتحرير الإنسان.

واخسول المشروع ده لهساجس طاردنس طول الوقت واختكم في كل افكاري وسلوكسيساتي، حستي الشخصي منها، بدأت أقيمعيه أو أأجله عيشيان مارستي للحباجات الشخبصيه مالهاش معني إلا جوه المشروع المنتظر اللي هو (هناك وبعد زمن ما). أما اللي (هنا والآن) فلازم يتأجل. لازم. أرفض الدخول في كل العلاقات اللي ضد المشروع ده، أو أدخلها وأنا واعى بإن تعيرها مسرهون بإنجاز المشروع ده، وبكده فيضلت أتاخر عن الحياه سنه ورا سنه، لحد مسالاقسيت نفسسي عسايش عملي الحسد الأدنى من الضروريات الحياتيه اللي بتخليني يا دوبك على قيد الحياه، عيشان اتفرغ للبحث عن عيالم الإنسان الأجمل، الأرقى، السوبر مان، الإله الأرضى، وبكده لقسيت نفسس بدال ما اتخلص من سطوة نص الميلاد. باعيد انتساجه وبنفس آلياته تقريباً، واكتشفت إنى بدال ما ادخل أنا وامى فى حكايه

تخصنی، طردتنی أنا وامی بره، الحکایات والشعیر، وحلت محلنا كائنات میتا فیزیقیه، كائنات لغویه، بدون ملامح، وبدون وجود متعین كائنات باختصار مالهاش تاریخ شخصی.

لكن وبرغم ده، مازلت باحس بالإيد دى ورا ضهرى بتنزقني، عشيان اخرج، وسياعات باحس إني باخيرج فعالاً من راسي، صدري، احشائي واتني اخرج، اخرج وأنا حياسس ورايا بكف زي ليوح تلج بييد فيعنى ف ضهري، فاجرى بسرعة على أبعد حته مازالت سخنه، واتركر فسيها، وفي طرف صباع رجلي الصغير الرجل الشمال، باتكوم على نفسى واجمع سخونة ف جسمي واكورها واسد بيها المنفذ اللي دخلت منه، وابدأ أراقب زحف الإيد دي يمتى وسيل التلج اللي عبمنال بيسنيل منها واللي بينحفس ف الحتت اللي سيبتها ومشيت, خريطه تتحول فيها أعضائي اللي الجسمدت فعلا لبيوت وشوارع وحواري واستواق وقتهاوي ومتخطات أتوبيس، وامنا يكتبمل

رسم الخريطه باشوف بانوراما كامله لحياتي اللي عشيتها لحد دلوقتي، بانوراما على هيئة متشاهد متداخله وملتبسه ببعضيها، وباحس من الصعب أنى ارجع كل حاجة لمكانها اللي حصلت فيه، وأنى اركب الصوت على التصوره، فاستيب البانوراما تتمسشهد قدامي، واقعد اركيز جهدي وطاقتي ف الحفاظ على شوية السخونه اللي سادد بيهم المدخل، وفي جريب طرق جديده لتحويل السخونه دى لمعادل هدم وكوريكات لرفع أنقاض التلج اللي هيتدربك بعد ما هنتهد النضاريس وتبان الأعضاء وتختفي الخريطه تدريجيا، ساعتها باحس بجسمي ككيان مادى، خارج واحده، واحده، من أرض قديمه لأرض جديده، وباتابعه وهو بيتلمُس لنفسه مكان فيها. فيتحرك بوعى اللحظه اللي بتتكون فيها خبرات جديده وتتحرر خبرات قديمه من النسيان.

مورد جثث

سواء كان اسمك سقر أو عزرائيل أو عبد الرحمن، وسواء كانت هيئتك اللي بتظهر فيها تعلب أو تمساح أو حمامه بيضا.

> مش. هتفرق. طالما اتفقنا وتمَّمنا الصفقه، وأدِّيتك ابويا وأدِّيتنى عشرين سنه.

> > وآهم عدو،

وقدرت ألمُّلُمُه ف نَصُ (عيل بيصطاد الحواديت) ومن يومـها بقى مـوجـود جوايا، بيحـضر وقت مـا احتاجه،

ندردش مع بعض،

واستمتع -ف كل مرَّه بنتحاور فيها- بوجهة نظر حد مختلف عنَّى ومش منضطر يتنازل عن وجهة

نظره. هل ده الإنه ماعداً لوش مصالح خاصه عندى؟ مكن!

المهم اننا على مدى عشرين سنه بنتحرر من بعض فيها، تتمدد ما بينا حياه مشتركه، وعشان كده الصفقه كأنت مُرْبِحه بالنسبه لى، وأعتقد انها برضه مربحه ليك،

انتُ خدت اللي عايزه عنشان تستعمله ف بُنَا مدينتك،

زى ما نجحت أنا أخليه واحد من سكان مدينتى. انت محتاج عضمه وشعره ولحمه وشحمه وعروقه وعضلاته, يوده وملحه وميته وبرازه ومخاطه ولعابه ودمه وبوله

ترصف بيهم شُلَارَع أو تعمل رجلين ترابيزه أو قرعة بوظه أو حشو مخدة سرير أو.. أو..

وانا محتاج حاجه انت ما تفهمهاش، وخدتها، لإنها مالهاش عازه عندك، لكن من غيرها انا ما اقدرش اعيش ف مدينه خاليه من البشر اللي يخصوني واللى مش هاسمح لأى حد يدخلها إلا بإذنى ووفقاً لشروطي.

وجيتنى تانى مرَّة، وادِّيتك جدى وادِّيتنى عشر سنين ورغم إن المُعاد لسَّه فاضل عليه سنتين تقريباً، جُحت إنى ألمُلهُ في نَصُ (غزلية الكنبه) واسكُّنه في مدينتي جنب ابويا، من غير ما آخد أي احتياط لمنع التصادم بينهم، اللي مش هيحصل أصادً، لإنهم مش موجودين بالنسبه لبعضيهم،

كل واحد موجود بس بالنسبة لى، ومايعرفش حاجه عن وجود التانى،

إلا إذا انا احتجت افتح بينهم حوار احدُّد موضوعه واجهد نفسى ف التحكم في مسارُه، وإلا هتْختلط الأصوات وتترجرج بعنف أركان المدينه ويكن

تتهد على دماغى، وعشان كده ما بافتحش بينهم حوار إلا ف حالات نادره وبحذر شديد، وعشان كده العشر سنين انا مستقلُّهم، وجاى انت كمان قبل مايخلصو تقعد جنبى ع الشط وانتَ واخد شكل

عيل صغير عمال يحفُر بكوريك ف الرمله ويبص لي

ويضحك بخبث دوناً عن ناس الشط إيه اللي حصل؟

انتَ عجزت واتلخبطت معاك التواريخ؟!
المعاد ده أكيد بتاع حد تانى انتهت مُدَّة عَقْدُه؟!
لأ، أنا حاسبها كويس، وباحاول اجهِّز لك حد.
ماتستعجلش عليّ، وسيبنى اسوَّى لك الموضوع على مهلى

طب اعمل لك إيه؟

تبقى إنت الغلطان وانا اللى ادفع التمن. ماهوش مُمكن اسكِّن حد مدينتى ولسه ملامحه مااخدٌدتش.

ولسه المكان اللى هيسكن فيه ناقص جهيز.
يعني انت تاخد كل اللي عاوزه, وانا اطلع من المولد
بأشباح بشر بالامح مهزوزه، يكتدولي كل اللي
بابنيه طول عمري

مین؟

أنا؟!

, K

ما تقدرش

أنا،

عایز تاخدنی، تنعاقد مع حد غیری

أنا مورد جَثْث، وفاهم شغلتي كويس وحاببها.

أيوه، فاكر نظرتك لي بعد ما دفنا جدى.

كنت انت ساعتها لابس هيئة التريي.

انا ماخَدَعْتكش،

وريتك جدى قبل ما نكتب العقد،

وقلت لك كل العلومات اللى انت عاوز تعرفها، عن عمره، والأعمال اللي قام بيها، وآخر مره نام فيها مع مَره، وآخر وجبه كلّها وآخر مره مشى فيها لوحده من غير ماحد يسنده،

وقلت لك ساعبتها انبه كان قبل كنده ولدة خمس سنين تقيريبا بيستعبمل عكاز بس بينزل م الدور

97/

الخامس وحده يجيب الفطار وحاجه تنفع أكل بقية اليوم

ويطلع،

صحيح كان ساعات بيريَّح حَبُه ف الدور التالت أو عند اختى ف الدور الرابع،

بس بيواصل طلوع السلم

ويقعد ياكل ويقيد البوتاجاز يعمل شاى، ويروح يقعد عالكنبه يرغى مع النسوان اللى اجُوازهُم راحوا الشغل،

ويتخانق مع عيالهم وبعدين تتهدل مالامحه وترتخى شفته التحتانيه ويغُمَّض عينيه وتتدلدل راسه على صدره ويروح ف النوم.

امّال إيه بس اللي خالاًك تبص لي وانت خارج من القبر وتضحك وتشاور عليّ؟

انا ماخدتش حاجه من الحاجات اللي متفق معاك اني أوردهالك، سلّمتك جُنه كامله وخدت اللى يخصني. أيوه.

جربت لما شاورت على، إديت ضهرى لفتحة القبر وخدت ديلى فى سنائى وجريت، لقيت سلم حجر طلعت عليه، وكنت كل ما اطلع درجه ألاقى سكان القبر يشيلوها

من هت رجلي ويناولوها لبعضيهم،

اطلع درجه، تختفي، اطلع، تختفي،

ولما لقيت السلم مش عايز يخلص.

والدرجات بتختفي

بصّيت ورايا لقيت أقرب واحد م القبر بيناولك الحدد وواحد تانى بيناولك مُونَه من مُعُجنه ما اعرفش اتعملت إمتى؟

وانت عـمال تسوى بالسطرين المونه وقط الحجر فوق الحجر بعنايه ودقّه.

ولما دققت أكتر لقيت حَدُّ بيكلبش ف الدرجه اللي لسَّه واقف عليها،

فَشَيبَت م الرعب

وخطفت تلات درجات في قفزه واحده,

وبكده بقى بينى وبينهم مسافه حافظت عليها، وحسبت إيقاع طلوعى وإيقاع عملهم بحيث إنى ما اسمحلهمش يقصروا المسافه اللى كسبتها بقضزة الرُّعب اللى مازلت باخَـين الفرصة عبشان اقفز قفزه أكبر منها.

ومن يومها وانا شاكك إن فيه حد عمل معاك عقد كنت انا فيه موضوع الصفقه،

وعسشبان كحده شباورت لعبهبالك الخبايبين على، وعسشبان كحده بشباورت لعبهبالك الخبايبين على، وعساردوني،

لكنى فُلَتُ منهم، وآديني قساعد ع الشط في جمصه باستمتع بالعري البشري،

بالكسيل والشيمس والبحر وريحة اليود،

وباتألم م الملح ف جلدى ومستفز من وجودك جنبى قبل مُعَادك.

بُص،

عشان أأكد لك إنّى مازالت مالامحى مهزوزه عند كل الناس اللي يعرفوني،

وعنشان كنده مناحدً ش هيرضي يغنامر بإني أكنون منوضوع صفقه يعقدها معاك،

أنا هاعلن عن نفسى، ونشوف مين هيتقدَّم ويشيل. بس لو سمحت، وَدَّى وشك الناحيه التانيه أو بُص ف أى حتَّه غير عينَيَّا،

عشان ماتلخبطليش سيناريو الإعلان

أنا

١- قسطين لبن رضعتهم من امى مع تلات تشوله من الحنان واللهفه على أول ولد نجا من مذبحة الحصيم اللي حصيدت قبليه تمن ولاد وتلات بنات.

ا- حلم ابویا الباش شاویش علی الجابری انی اطلع ظابط شرطه، کل الناس ف الرایحه وف الجایه تضرب له سالام. انا اللی کرهت الظباط من یوم ما شَبَطُت فیه وخَدنی معاه الشغل ولقیته بیضرب سلام لحتّه عَیل تافه بلبانه، بیرفض حتی یُرد له السلام ویبُص له من فوق بیرفض حتی یُرد له السلام ویبُص له من فوق لتحت ویقولله: "مین ده با شویش یا رمّه اللی معالی، ابنك؟ لَقَحُه جـوّه واطلع مع الدّوریّه اللی برّه".

ونظرة ابویا الحیرانه بینه وبینی واللی هُزَّت إیده وهو بیضرب له سالام ویقوله تمام یا افندم والساعتین اللی قعدتهم جوه یشقطونی الظباط لبعض، ده یضربنی بالشَّلُوت، وده علی قفایا، وده یهددنی إن ما بَطَّلتش عیاط هیرمینی ف السجن انا ابن علی الجابری اللی بیحل کل مشاکل عیلة الجابری علی حساب بیحل کل مشاکل عیلة الجابری علی حساب وقته وجهده وفلوسه.

أبويا اللى كان أحياناً بيتعشى زاتونه ويبوس إيده وش وضهر وينام والصبح يصلِّى الفجر ويدعى في صلاته انه يشوفني ظابط شرطه.

۳- عـشر تـالاف كوباية شـاى، وخـمـستـاشـر ألف سيـجاره ونص مـليون ورقـه وخُمسـميـة قلم ومليـون ونص سُـعُر حـرارى، وعشـرين كـرتونة كــتب، شـعــر وقــصــه وروايه وتـاريخ وأديان وفولكلور. إلخ.

٤- خمسه وعشرين ألف متر تمرد ع الاحبال اللى بتربطنى بحاجات وناس وأماكن ماليش دَخُل ف وجودها، ولا حدِّش خد رأيى فى حاجه ساعة ما قطعو خلاصى من سُرة أمى وربطوا مكانه ف سُرتى حبالهم واللى مازالت باشد فيها عشان تتقطع ومازال اللى عمَّال يتمط ويطُول أكتر م اللى غمَّال يتمط ويطُول أكتر م اللى غمَّال كتير باحاول

امتها من سُرتى للعالم، وعند أول شُرته العالم، وعند أول شُرته العالم الع

1- دوده أخلاقيه عندها قدره عاليه على إفراز الأفكار بشكل طبيعى مع العرق والبول والدموع، وعندها استعداد تقدمها للى والدموع، وعندها استعداد تقدمها للى يحتاجها بدون مقابل وبتقعد طول اليوم تاكل افرازاتها اللى مانفعتش حد، وجموز غددها لإفرازات جديده.

إيه رأيك؟

يعنى ما فيش زباين!!

باین ماحدش متحمس!!

عشان كده ماقدامكش مُفَـرُ غير الاعتذار والرحيل فهراً.

طُظُ..

أعلى ما ف خيلك اركبه.

برضه مش هاتنازل عن حقی.

المحتويات

| 7 | الهــدوم |
|---------------|--------------------|
| الرسمية اا | فيلم في السابقة |
| شغيل | هادوس على زرار الت |
| 19 | |
| ع الأوركسترا1 | بيهيأ نفسه لقياد |
| 27 | |
| 31L | وفضلت متعلق مع |
| 35 | لما شفتهاع الترول |
| يمى | اللى لحقته من جس |
| 43 | فرح اخويا |
| 47 | كهنوت |
| ه حقیقی | في قبضة إيدى كر |
| 57 | غزلية الكنبه |
| 63 | شتوية |
| تأكد | هيبص ع الجزمة وي |
| 79 | |
| 91 | مورد جثث |

للشاعب

١- أغسطس - شعر - طبعةخاصة

ا- بالظبط وكإنه حصل - شعر - طبعة خاصة ١٩٩٤.

٣- عبل بيصطاد الحواديت - شعر - الهيئة العامة العامة القصور الثقافة ١٩٩٥.

رقم الإيداع: ٢٩٦٧/٩٩

شرتة الأمل للطباعة والنشر ت: ٢٩٠٤٠٩



إنك تقول لصاحبك ع القهوه:

الحياه مش بروفه.

وطبيعي

إن ابوك يخاف عليك وعلى اخواتك

م الموت

ليشوش مخزونه الهايل من المشاهد اللي

كان نفسه يكون فيها.


ولماً تخش عليه

وماً يحسس بيك

وتتأكد انه ف آخر مرحله من مراحل المونتاج

فاتسحب بشويش.

واخرج..



2.3

